



Visoki predstavnik razgovarao sa generalnim sekretarom UN-a Antóniom Guterresom

Uoči svog polugodišnjeg obraćanja Vijeću sigurnosti Ujedinjenih nacija, visoki predstavnik Valentin Inzko danas je putem video-linka razgovarao sa generalnim sekretarom Ujedinjenih nacija, Antóniom Guterresom.

Pozdravivši obnovljeno opredjeljenje Predsjedništva BiH za evropske integracije, visoki predstavnik Inzko informirao je generalnog sekretara o ostalim aktuelnim političkim dešavanjima u Bosni i Hercegovini, kao i o neposrednim izazovima sa kojima se zemlja suočava u borbi protiv pandemije covida-19. Visoki predstavnik je istakao potrebu za brzim usvajanjem državnog budžeta kako bi se ublažile negativne socio-ekonomske posljedice pandemije i omogućile nesmetane pripreme za lokalne izbore u oktobru.

Pozdravivši sve veću pažnju koju UN poklanja inicijativama usmjerenim ka pomirenju i izgradnji mira u BiH, visoki predstavnik Inzko također je iskoristio priliku da podvuče potrebu za tješnjom saradnjom unutar međunarodne zajednice na unapređenju pozitivnih reformi, okrenutih budućnosti.